



因方
小字
十二

中
228
7



中武
第 28
7

武庫

同山

三因極一病證方論卷之十一

脹滿叙論

經有鼓脹太素作谷脹治法雖詳而不論其所因
原其脹滿之端皆胃與大腸二陽明為二大陰之表
大抵陰為之主陽與之正或臟氣不平勝剋乘剋相
感相因致陰陽失序遂有此證假如怒傷肝肝剋脾
脾氣不正必脹於胃名曰勝剋或怒乘肺肺氣不傳
必脹於大腸名曰乘剋憂思聚結本臟氣鬱或實或
虛推其感涉表裏明之皆內所因或冒寒暑風濕隨
其經絡傳至陽明致脹滿者屬外所因飲食飢飽生

卷之十一

森氏開萬
冊府之記

武庫

冷甜膩聚結不散或作胚塊膨脹滿悶屬不外因
當知脹滿該涉三因須以人迎氣口分其內外脉息
虛實審其温利詳而調之無失機要不爾則為腹心
痼疾坐受困踣不可不謹

脹滿證治

論云五積久而必心腹脹滿且五積以五臟氣不平
肝為肥氣心為伏梁肺為息奔脾為痞氣腎為奔豚
皆聚結胚塊隨所生所成之日分推而究之皆喜怒
憂思乘剋勝剋相因相感如斯等類從五積法治之
可也但內所因不待成績即為脹滿亦當隨其臟氣

而平治之所謂虛實補瀉太過不及以經調治

大半夏湯治肝氣不平勝剋於脾脾鬱不行結聚涎
沫閉於臍氣腑氣不舒胃則脹滿其脉弦遲故知
中虛胃冷脹滿服此可下氣進食

半夏 洗七次 湯去滑 桂心 各五兩 附子 炮去皮臍 人參

甘草 炙 厚朴 姜製 當歸

枳實 麩炒去穢各三兩 川椒 炒出汁去合口者八百立

右為剉散每服四大錢水一盞半姜五片棗三個
煎七分去滓食前服

千金温胃湯治憂思聚結脾肺氣凝陽不能正大腸

與胃氣不平脹滿衝效食不得下脉虛而緊澹

附子炮去皮臍 當歸 厚朴去皮生用 人參

橘皮 白芍藥 甘草炙各一兩 乾姜一分

川椒炒出汁去合口者三分

右為劉散每服四大錢水二盞煎七分去滓食前服

附子硬米湯治憂怒相乘神志不守思慮兼并擾亂

臟氣不主傳導使諸陽不舒反順為逆中寒氣脹

腸鳴切痛胸脇逆滿嘔吐不食

附子生去皮臍虛入畧炮 半夏湯洗七次 硬米各三錢半字

甘草炙一錢一字 乾姜一分千金方加此

右劉散每服四大錢水二盞棗三個煎七分去滓食前服

七物厚朴湯治腹滿發熱以陽并陰則陽實而陰虛

陽盛生外熱陰虛生內熱脉必浮數浮則為虛數則為熱陰虛不能宣導飲食如故致脹滿者為熱

厚朴姜製炒一兩 甘草炙 大黃蒸各三錢三字
枳實麩炒去穢半兩 桂心一分

右為劉散每服四大錢水盞半姜七片棗三個煎

七分去滓食前服嘔者加半夏一分利者去大黃
寒多加生姜十片煎

麝香綿灰散治腹虛脹滿朝緩暮急服諸藥不差惡

風不能宣泄彭彭鼓脹

寒蚕綿燒灰半兩麝香半錢別研

右研細令勻每服一大錢七濃煎薄荷湯調下酒
服尤佳不以時一法有乾漆炒大煙出量虛實用
之虛則不可用

温中湯治虛人老人飲啖生冷多致腹脹心下痞滿
有效飲食或刺痛泄利氣痞滯悶

厚朴去皮細剉

甘草剉細

生姜洗切

青州棗切各等分

右上一二件擣令得所方入生姜又杵令勻取出同
棗焙令温温微燥却入鍋內慢火炒至紫色又焙
乾為細末每服一大錢擦生姜少許沸湯點空腹
服以知為度氣味殊美兼能愈疾又易修合

料簡

上件諸方如內因與不內外因皆可選用若外因傷
風傷寒傳至陽明經腹脹可以大承氣杏子湯等各
見本門濕脹木附湯加茯苓桂心暑脹黃龍圓皆良
藥也更有脚氣支滿脾橫泄及五疸石水婦人腸覃

血膨或單單腹脹之證治之各見本門學者當審詳為治無致混濫失其機要也

霍亂叙論

夫霍亂之病為卒病之最者以人起居無它揮霍之間便至變亂悶絕不救甚為可畏臨深履危不足以諭有生之流不可不達其旨趣蓋其病因涉於內外不內外三種具備而讀傷寒論者見有本是霍亂今是傷寒之說使謂霍亂即傷寒殊不知因傷寒致霍亂只是外因一證爾况風暑濕皆有此證殊不知喜怒憂思飲食飢飽皆能致霍

亂之證故不得不備論

霍亂諸證

霍亂者心腹卒痛嘔吐下利增寒發熱頭痛眩暈先心痛則先吐先腹痛則先下心腹俱痛吐利並作甚則轉筋入腹則斃霍亂惡證無越於斯此蓋陰陽反戾清濁相干陽氣暴升陰氣頓墜陰陽痞隔上下奔逸扶救不先治之唯宜温煖更詳別三因隨內外以調之不爾則坐視困路也

霍亂外因證治

諸惡風惡寒有汗無汗重著煩毒皆外所因蓋傷風

則惡風有汗傷寒則惡寒無汗胃濕則重著傷暑則熱煩此雖常論揮霍之間倉卒不辨遂致錯誤亂經反常為害不淺豈止本為霍亂今是傷寒而已哉當隨外所因治之乃可

理中湯治霍亂吐下脹滿食不消心腹痛

人參

乾姜 炮

白朮

甘草

灸各三兩

右為剉散每服四大錢水一盞煎七分去滓食前遠行防霍亂煉蜜為丸如梧子大每服三五十丸如作散每服方寸匕酒調下亦得若轉筋者加石膏煨三兩若臍上築者腎氣動也去朮加桂心四

兩腎惡燥故去朮恐作奔豚故加桂吐多者去朮加生姜三兩下多者復用朮悸者加茯苓二兩渴欲得水加木合前成四兩半腹中加人參合前成四兩半若寒者加乾姜合前成四兩半腹滿者去朮加附子服藥後食頃食熱粥一盃微自溫覆勿發揭衣被噦則加丁香吐利止身體痛不休者審其元因以和解之如初因傷風用桂枝之類所謂治有本也

外因料簡

凡外所因必自經絡傳入臟腑須以脈證推其所因

隨經調之則盡善矣假如傷寒在太陰經當用四逆湯少陰經當用附子麻黃湯厥陰經當用理中湯若在太陽經還用麻黃湯陽明經養胃湯少陽經小柴胡湯風暑濕亦然風則桂枝湯暑則香薷飲五苓散濕則苓朮湯滲濕湯皆可於諸門隨證檢用不復繁引

霍亂內因證治

諸大喜傷心則氣散大怒傷肝則氣激憂傷肺則氣聚思傷脾則氣結恐傷腎則氣却驚傷膽則氣亂臟氣槩鬱聚結涎飲痞隔不通遂致滿悶隨其勝復必

作吐利當從外所因治之

七氣湯治喜怒憂思悲恐驚七氣鬱發致五臟互相

刑剋陰陽反戾揮霍變亂吐利交作寒熱眩暈痞

滿咽塞

半夏

湯洗五兩

厚朴

姜製

桂心

各三兩

茯苓

白芍藥

各四兩

紫蘇葉

橘皮

各二兩

人參

一兩

右為剉散每服四錢水盞半姜七片棗一个煎七分去滓空腹服

胃氣丸

治憂思過度脾肺氣閉聚結涎飲留滯腸胃氣鬱於陰凝寒於陽陰陽反戾吐利交作四肢厥

冷頭目眩暈或復發熱兼治老人胃寒大便反秘
姓娘惡阻全不納食

硫黃 不拘多少猪臟內縛兩頭以米泔酒童子小便便各一椀煮乾一半取出洗斷穢氣控乾秤十兩

半夏 湯洗去滑 白茯苓 人參 各一兩 石膏 一分煨一法同硫黃煮

右為末生薑自然汁釋炊餅糊為丸如梧子大每服五十圓至百圓空腹米湯入少生薑汁下

真珠散治喜怒不常憂思兼并致臟氣鬱結留積涎

飲胸腹滿悶或復疔痛憎寒發熱吐利交作

附子 二个一生一炮各去皮臍 半夏 湯二十一洗去滑一兩半 滑石

成煉鐘乳 各半 辰砂 三錢別研

右為末每服二錢水二盞姜七片藿香兩二葉蜜半匙煎七分食前冷服小便不利加木通茅根煎不內外因證治

諸飽食膾炙恣殮乳酪水陸珍品脯醢雜殺快飲寒漿強進旨酒耽縱情慾不節以胃為五臟海因胃氣以運行胃既臍脹脾臟停凝臟氣不行必致鬱發遂成吐利當從不外內因治之

紅丸子治脾胃虛冷飲食不節宿食留飲聚癖腸胃或因氣不調衝胃寒濕忽作霍亂吐利併作心腹絞痛腸胃纏刺疲弱不勝

蓬朮剉 三稜剉各二兩同以 胡椒 一兩

青皮炒三兩 阿魏 一分 米醋煮一伏時

右為末醋化阿魏入陳米粉為糊圓如梧子大礬

朱為衣每服一百丸至二百丸煎生姜甘草湯下

胡椒湯治霍亂吐利為佳

胡椒 七粒 藜蘆 三七粒

右為末煎木瓜湯調下

訶子散治老幼霍亂吐利一服取效方見九痛門

霍亂九例

轉筋者以陽明養宗筋屬胃與大腸今暴下暴吐津

液頓亡外傷四氣內積七情飲食甜膩攻閉諸脈枯

削於筋宗筋失養必致攣急甚則卵縮舌卷為難治

木瓜湯治霍亂吐下不已舉體轉筋入腹則悶絕

木瓜乾 一兩 吳茱萸半兩湯 茴香分一 甘草錢一

右為剉散每服四大錢水一盞半 三片紫蘇十葉

煎七分去滓食前服

煩渴者以陰陽反戾清濁相干清氣干濁水與穀併

小便秘澁既走津液腎必枯燥引水自救煩渴必矣

茯苓澤瀉湯治霍亂吐利後煩渴欲飲水

茯苓 八兩 澤瀉 四兩 甘草炙二兩 桂心 二兩

白木 三兩

右為劉散每服四大錢水一盞姜三片煎七分去滓食前服一方有小麥五兩

水浸丹 治伏暑傷冷冷熱不調霍亂吐利口乾煩渴

黃丹 一兩 一巴豆 二十五个
分炒 去皮心

右同研勻用黃蠟鎔作汁和為丸如梧子大每服五丸以水浸少頃別以新汲水吞下不以時候

乾霍亂者忽然心腹脹滿絞刺痛疼蟲毒煩冤欲吐不吐欲利不利狀若神靈所附頃刻之間便致悶絕亦涉三因或臟虛或腸胃素實故吐利不行

鹽湯 治乾霍亂及蟲毒宿食不消積冷心腹煩滿鬼氣

至鹹鹽湯三升熱飲一升刺口令吐宿食使盡不吐更服吐訖復飲三吐乃止此法大勝諸治俗人以為甲舍淺近鄙而不用守死而已凡有此病即先用之

嘔吐叙論

嘔吐雖本於胃然所因亦多端故有寒熱飲食血氣之不同皆使入嘔吐據論云寒氣在上憂氣在下二氣並爭但出不入此亦一塗未為盡論且如氣屬內

因則有七種不同寒涉外因則六瀉分異皆作逆但
鬱于胃則致嘔豈拘于憂氣而已況有宿食不消中
滿溢出立飲聚結隨氣番吐痼冷積熱及瘀血凝閉
更有三焦漏氣走哺吐利泄血皆有此證不可不詳
辯也

寒嘔證治

病者胃中寒心下淡淡四肢厥冷食即嘔吐名曰寒
嘔或因傷食多致傷胃氣或因病曾經汗下致胃氣
虛冷之所為也

四逆湯治寒嘔脉弱小便復利身有微熱見厥者難

治

甘草

一錢

乾姜

三錢

附子

六錢重生

右為劉散每服三錢重水二盞煎七分去滓食前

溫服

生硫黃丸治同前

硫黃

不拘多少

右一味以柳木槌研細生薑汁釋炊餅糊為丸如
梧子大每服五十九米湯下食前

靈液丹

治胃中虛寒聚積痰飲食飲不化噫醋停酸
大便反堅心胃脹滿惡聞食氣婦人妊娘惡阻嘔

吐不納食者

硫黃 打碎

附子

去皮臍切如菖
豆大各一兩

菜豆

四兩用水一
碗煮乾焙

右為末生薑自然汁煮麩糊為丸如梧桐子大每服五十九米湯下食前服

熱嘔證治

病者胃中挾熱煩躁聚結涎沫食入即吐名曰熱嘔或因胃熱伏暑及傷寒伏熱不解濕疸之類皆熱之所為也

小柴胡湯治熱嘔

方見傷寒門

治法曰病者嘗發汗令陽微隔氣虛脈

乃數數

為客熱不能消穀胃中虛冷故吐當作寒嘔治之不可用此

痰嘔證治

病者素盛令瘦腸中漑漑有聲食入即嘔食與飲並出名曰痰嘔或因氣鬱凝結於胃口或因酒食甜冷聚飲之所為也

大半夏湯治心氣不行鬱生涎飲聚結不散心下痞

鞭腸中漑有聲食入即吐

半夏

二兩湯洗
十次完用

人參

三錢三
字切

右分四服每服水三盞蜜二錢重和水揚令勻入

藥煎至六分去滓溫服一法有生姜七片治法
曰嘔家先渴今反不渴者以心下有支飲故也治
屬支飲

茯苓澤瀉湯治同前方見霍亂門

食嘔證治

病者胸腹脹悶四肢厥冷惡聞食臭食入即嘔朝食
暮吐暮食朝吐名曰食嘔此由飲食傷脾宿穀不化
之所為也

大養胃湯治飲食傷脾宿穀不化朝食暮吐暮食朝
吐上氣復熱四肢冷痺三焦不調及胃虛寒氣在

上憂氣在下二氣並爭但出不入嘔不得食

厚朴去皮

生姜各二兩剉

肥棗三兩剉同上三味炒

白朮

山藥炒

人參

川芎

橘皮

當歸

五味子

藿香

甘草炙

枇杷葉刷毛

黃芪各一兩

右為剉散每服四錢水一盞半姜三片棗一個煎
七分去滓空腹服或為細末米湯調下亦快

治中湯治同前兼治中寒飲食不化吞酸嘔噦食則
彭亨脹滿嘔逆

人參

白朮

乾姜炮

甘草炙

青皮 陳皮 各等分

右為劉散每服四大錢水一盞半煎七分去滓大便秘入大黃礬子大兩枚

血嘔證治

病者心下滿食入即嘔血隨食出各曰血嘔此由瘀蓄冷血聚積胃口之所為也

茯苓湯治憂怒兼并氣攻血溢停留胃管噎聞血腥嘔吐食飲及妊娠中脫宿冷冷血侵脾惡聞食氣病名惡阻

半夏 三兩湯洗十次 茯苓 熟地黃 各一兩 橘皮

細辛 人參 芍藥 川芎

旋復花 桔梗 甘草 各一兩二錢

右為劉散每服四大錢水二盞姜七片煎七分去滓空腹服有容熱煩渴口瘡者去橘皮細辛加前胡知母腹冷下利者去地黃入桂心 炒 胃中虛熱大便秘小便澀去地黃加大黃一兩八錢黃芩六錢

當歸湯治三焦虛損或上下發泄吐唾血皆從三焦起或因熱損發或因酒發悉主之

當歸 乾姜 炮 熟地黃 藥皮

小薊

羚羊角 鎊

阿膠 炒各三錢三字 白木

芍藥

各半兩

黃芩

甘草 灸各一分

右為劉散每服三錢水二盞竹茹一塊如指大煎至八分去滓入伏龍肝半錢也頭髮灰半錢也滿黃半錢也又煎至七分不以時候服

氣嘔證治

病者心膈脹滿氣逆於胸間食入即嘔嘔盡却快各曰氣嘔胃者足陽明合榮於足令隨氣上逆結於胃口故生嘔病也
柴萆人參湯治氣嘔胸滿不納食嘔吐涎沫頭疼

吳茱萸

湯洗數次五兩

人參 三兩

右為劉散每服四大錢水一盞半姜五片棗二枚煎七分去滓不以時候服

藿香湯

治心下虛滿飲食不入時時嘔吐愒愒短氣或大病將理不復胃氣無以養日漸羸弱

藿香

人參

桂心

桔梗

木香

白木 各半兩

茯苓 半兩

枇杷葉 十片去毛

半夏

一兩湯洗用姜汁製

右為劉散每服五錢水二盞入炒姜絲一分煎七分去滓食前服

漏氣證治

病者身背皆熱肘臂攣痛其氣不續膈間厭悶食入則先吐而後下名曰漏氣此因上焦傷風開其腠理上焦之氣慄悍滑疾遇開即出經氣失道邪氣內著故有是證

麥門冬湯治上焦伏熱腹滿不欲食食入胃未定汗

出身背皆熱或食入先吐而後下名曰漏氣

麥門冬心去 生蘆根 竹茹 白朮 各五兩

甘草炙 茯苓各二兩 橘皮 人參

萎蕤 各三兩

右為剉散每服四大錢水一盞半薑五片陳米一撮煎七分去滓熱服

走哺證治

病者下焦實熱大小便不通氣逆不續嘔逆不禁名曰走哺此下焦氣起於胃下口別入回腸注於膀胱并與胃傳糟粕而下大腸令大小便不通故知下焦實熱之所為也

人參湯治下焦伏熱氣逆不續大小便不通嘔吐不

禁名曰走哺

人參 萎蕤 黃芩 知母

茯苓 各三錢 白朮

橘皮

生蘆根

施子仁 各半兩

石膏 煨一兩

右為劉散每服四錢水一盞半煎七分去滓溫服

厚朴湯治乾嘔嘔而不逆熱少冷多好唾白沫清涎

噫氣吞酸此由上焦閉寒

厚朴 姜製

白茯苓

川芎

白朮

玄參

吳茱萸 湯洗各半兩

桔梗

附子 炮去皮臍

右為劉散每服四大錢水一盞半薑五片煎七分

去滓溫服

三物猪苓散治嘔吐病在膈上思水者是欲解也

猪苓 去皮

白茯苓

白朮

各等分

右三味末之飲服方寸匕

凡例

凡先嘔却渴者此為欲解先渴却嘔者為水停心此屬飲家又傷寒差後餘熱在胃嘔者依傷寒後證治之若脚弱脾疼而嘔者此脚氣內攻且急依脚氣門治之更有婦人懷娠惡阻嘔吐亦各從其門類或中其如三焦漏氣走哺嘔吐則見上門泄利則見下利門各從其類也然嘔不得輕用利藥唯腹滿則視

其前後何部不利利之即愈

噦逆論證

噦者咳逆也古方則謂之噦凡吐利後多作噦大率胃實即噦胃虛則噦此由胃中虛膈上熱故噦或至八九聲相連収氣不回至於驚入者若傷寒久病得此甚惡內經所謂壞府者是也楊上善釋云津洩者知鹽器之漏聲嘶者知琴絃之絕葉落者知槁木之摧舉此三物衰壞之微以比噦故知是病深之候也亦有噦而心下堅痞眩悸者以膈間有痰水所為其他病則各有治法

噦治法

橘皮竹茹湯治咳逆嘔噦胃中虛冷每下噦至八九聲相連収氣不回至於驚入

橘皮 二兩

人參 一兩

甘草 炙半兩

右為剉散每服四錢水一盞半竹茹一小塊薑五片棗二個煎七分去滓不以時服

羗活散止咳逆

羗活

附子 炮去皮臍

茴香 炒各半兩

木香

乾姜 炮

丁香 各一兩

右為末每服二錢水七分盞鹽少許煎數沸空腹服

丁香散 治咳逆噎汗

丁香 柿蒂各一錢 甘草炙 良薑各半錢

右為末用熱湯點二錢乘熱服不以時

醋咽證治

夫中脘有飲則嘈有宿食則酸食後噫醋吞酸皆宿食證俗謂之噯酸是也

麴木丸 治中脘有宿食留飲酸慄心痛口吐清水噯

宿腐氣者

神麴炒三兩 蒼朮泔浸三宿洗淨曬乾炒一兩半 陳皮一兩

右為末生姜汁別煮神麴末糊為丸如梧子大每

服三五十九丸姜湯下不以時服

五百丸 治宿食留飲聚積中脘噫臭吞酸心腹疼痛

并療中虛積聚及臟腑殮泄赤白痢下

丁香 巴豆去皮別研 縮砂仁 胡椒

烏梅去核

右件各一伯箇為細末炊餅糊為丸如菜豆大每服五七丸熱水下食後臨卧服

繫氣叙論

夫繫飪之邪從口入者宿食也蓋五味入口所以滋養五臟得之則生不得則死傷之則反為生害所以

宿食為雜病之先若五臟不平食不輸化血凝氣滯
 群證蜂起皆宿食所為也治之當量其臟腑虛實淺
 深為治養生方戒不得用巴豆令服青木香丸如有
 食癖非巴豆不克所謂擾平可擾擾亦無擾
木香丸用牽牛牽牛最瀉入腎不徒不能消食積而
 又害於元精識者知之其病頭痛惡風憎寒心腹
 脹滿下利不欲食吞酸噫宿腐氣若胃實熱食反
 留滯其脉數而滑宜下之愈若脾虛其脉浮大按
 之反濇尺中亦微濇宜溫藥油

繫氣治法

如神木香丸治繫氣聚結癥瘕胸脇悶痛或吐酸水

食後噫作生熟氣腹脹泄瀉及四肢浮腫

木香 礪砂滴淋 控乾 蓬朮炮 胡椒

半夏漿水 炒大煙盡 乾漆各半兩 縮砂仁 桂心

青皮各三兩 附子炮去皮臍 三稜醋煮一兩 白姜炮一兩

右為末蜜丸如梧子大每服三五十九生薑橘皮

湯下空心服

感應丸太乙神治虛中積冷氣弱有傷不能傳化心

下堅滿兩脇膨脹心腹疼痛噫宿腐氣及霍亂吐
 瀉或復遲澁久利赤白膿血相雜米穀不消久病

形羸面黃口淡不能飲食

肉豆蔻 川姜 炮 百草霜 各二兩 木香 一兩半

萼澄茄 京三稜 炮 巴豆 一伯粒去皮心別研 杏仁 一伯粒去皮尖別研

酒螞 四兩 油 一兩 丁香 一兩

右除巴豆杏仁外並為細末次下巴豆杏仁等和勻先將油煎竭令鎔化傾在藥末內和成劑入膏內杵千餘下旋丸如菜豆大每服三五丸熟水吞下食後臨卧服小兒如黍米大式三丸

泄瀉叙論

方書所載瀉利與經中所謂洞泄飧泄溏泄溢泄瀉

泄水穀注下等其實一也仍所因有內外不內外差殊耳經云寒甚為泄春傷風夏飧泄論云熱濕之氣久客腸胃滑而利下皆外所因喜則散怒則激憂則聚驚則動臟氣隔絕精神奪散必致溏泄皆內所因其如飲食生冷勞逸所傷此不內外因以此類推隨證主治則不失其病源也

虛寒泄瀉治法

桂香丸 治臟腑虛為風濕寒所搏冷滑注下不禁老

人虛人危篤累效

附子 炮去皮臍 肉苳蔻 炮 白茯苓 各一兩 桂心

白姜 炮 木香 炮各半兩 丁香 一分

右為末糊丸如梧子，大米湯下，五十九丸，空腹服。

香朴丸 治腸胃虛冷泄瀉注下無度脾虛氣閉不進

飲食 厚朴 五兩姜汁製炒 白朮 三兩 茴香 炒 陳皮 各三兩

訶子 炮去核 赤石脂 兩煨各一

右為末麩糊丸如梧子，大空腹米湯下，五十九丸常

服暖腸胃

建脾丸 治虛勞羸瘦身重胃冷飲食不消洩瀉不

或作滯下又變五色穢臭

鍾乳粉 赤石脂 兩各一 枯礬 乾姜 炮

茯苓 酒浸 石斛 酒浸 五味子 桂心

澤瀉 桑上寄生 遠志 去心 人參

天雄 炮去皮臍 牡蠣粉 白頭翁 去苗 甘草 炙

栝子仁 當歸 酸石榴皮 龍骨 煨各兩

右為末蜜丸梧子，大米湯下，三十九丸，空腹服。

豈蔻分氣飲 治臟腑虛寒泄瀉瘦極及婦人產後洞

洩危篤者

藿香葉 草豈蔻仁 青皮 各四兩 甘草 炙

丁香 各半兩 肉豈蔻 炮十兩 烏梅 五十箇 去仁

右判散每服四錢水二盞糯米一撮煎七分去滓
空腹服

羊肉扶羸丸治脾胃不和不能進飲食臟腑虛滑老人
虛人宜服之

精羊肉一斤半微斷血脉焙乾取末四兩白姜炮一兩川椒去目炒

肉豆蔻煨各一兩木香一分附子炮去皮臍神麴炒半兩

右為末煮粟米飲為丸如梧子大食前米湯下五十九

川椒丸治臟虛泄瀉無度

黃連炒烏梅肉 當歸 川椒炒出汗 桂心 乾姜炮各

右為末糊丸梧子大每服三五十九米湯空腹服

實熱泄瀉治法

小承氣湯治下利譫語者有燥屎故也 方見傷寒

夫泄瀉却用大黃者乃通因通用也非太實熱勿
輕用之

冷熱泄瀉治法

博濟香姜散治久患脾泄瀉

生姜四兩黃連一兩

右皆剉如豆大一處慢火炒令姜焦赤去姜碾黃
連為細末每服二錢空腹茶清調下或將姜為
末米飲調治白痢亦效

建脾散 治五泄或青白五色雜下 休作無時

烏頭 炮去皮 尖三分 厚朴 去皮剉 姜製炒 甘草 炙 乾姜 炮各一分

右為末 每服二錢 水一盞 姜三片 煎七分 熱服

止瀉如神丸

川烏頭 四兩米泔浸軟 去皮切片 用鹽四兩炒黃 去鹽不用 半夏 湯洗七次 去滑 蒼朮 各半斤 米泔浸淨洗

右為末 姜汁糊為丸 梧子大 空腹米湯下 五六十

丸

戊巳丸 治脾胃受濕 泄利不止 及米穀不化 小兒疳

痢 並宜服之

黃連 湯洗 吳茱萸 湯洗 白芍藥 各等分

右三味同炒為細末 米糊丸如梧子大 每服三五

十丸 米湯空腹下 小兒量與之

補脾散 治脾泄不止 食積不消 癥瘕塊結 大腸滑泄

臟毒下利 腹痛腸鳴

麥蘖 炒三兩 神麴 炒二兩 茴香 炒 草果 逐箇用麴 裹煨熟

厚朴 製 乾姜 炮 陳皮 各一兩 木香 生半兩

甘草 炙半兩

右為末 脾泄瀉 訶子湯入鹽調下 二錢 脾虛腸鳴

氣不和瀉不止 炒姜酒調下 常服鹽湯 點空心食

料簡

九治瀉須先理中焦如理中湯丸等是也次即分利水穀如五苓散等是也治中不效然後斷下即用禹餘糧赤石脂等是也玉機真臟論云五虛死謂脈細皮寒少氣前後泄利飲食不入得此必死其有生者漿粥入胃泄注止則活也又金匱云六腑氣絕於外者手足寒上氣脚縮五臟氣絕於內者下利不禁甚者手足不仁脈沉弦者為下望脈大者為未止泄利手足厥冷無脈灸之不溫脈不還微喘者死有微熱而渴自汗脈或微弦數弱法並當自愈或脈沉遲而

面少赤身微熱鬱冒汗出而解必微厥所以然者以其面戴陽下虛故也泄利後腹脹滿身體疼痛者先溫其裏宜四逆湯後攻其表宜桂枝湯上件金匱節文雖於三因不甚分明其脈不可不究既用四逆治傷寒不妨用桂枝加附子治傷風木附加桂治傷濕五苓散治傷暑皆可類推又古方泄利與滯下共為一門千金又以宿食不消在熱痢類門類混濫後學難明不可甄別也

三因極一病證方論卷之十一

三因極一病證方論卷之十二
經中所載有血溢血泄血便注下古方則有清膿血
及泄下近世並為痢疾其實一也但以寒熱痔蟲分
為四門未為至當且痔蝕瘡膿中蠱下血與利膿血
證狀大別痔蝕雖下赤白當在痔濕瘡門蠱利清血
當在中毒蠱門今之滯下赤白者至多皆是冷熱相
搏非干痔濕蝕瘡類下利清血亦多與中蠱毒者大
異臨牀須詳不可道所治法差互立見天傷勉之勉
之

三因極一病證方論卷之十二

滯下叙論

經中所載有血溢血泄血便注下古方則有清膿血
及泄下近世並為痢疾其實一也但以寒熱痔蟲分
為四門未為至當且痔蝕瘡膿中蠱下血與利膿血
證狀大別痔蝕雖下赤白當在痔濕瘡門蠱利清血
當在中毒蠱門今之滯下赤白者至多皆是冷熱相
搏非干痔濕蝕瘡類下利清血亦多與中蠱毒者大
異臨牀須詳不可道所治法差互立見天傷勉之勉
之

滯下三因證治

病者滯下人皆知赤為熱白為寒而獨不知純下清血為風下如豆羹汁為濕夫六氣之傷人初无輕重以暑熱一氣燥濕同源收而為四則寒熱風濕不可偏廢古方云風停於膚腠後乘虛入客腸胃或下瘀血或下鮮血注下无度濕毒下如豆羹汁皆外所因之明也古方有五洩因臟氣鬱結隨其所發使利膿血作青黃赤白黑之不同者即內所因也又飲服冷熱酒醴醢醢縱情恣慾房室勞逸致損精血腸胃枯溢久積冷熱遂成毒痢皆不內外因治之先

推其歲運以平其外察其鬱結以調其內審其所傷以治不內外使條然明白不至妄投也

白頭翁湯治熱痢滯下下血連月不差

白頭翁 二兩 黃連

藥皮

秦皮

各三兩

右為剉散每服四大錢水一盞半煎七分去滓服

桃花丸治冷痢腹痛下如魚腦白物

赤石脂 煨

乾姜

炮等分

右為末蒸餅糊丸米飲下三五十九

胃風湯治風冷乘虛入客腸胃水谷不化洩瀉注下

腹脇虛痛腸鳴疴痛及腸胃濕毒下如豆汁或下

痧血日夜无度並宜服之
方見失血門
風痢下血證

露宿湯治風痢純下清血

杏仁七粒去皮尖 若木瘡一掌 烏梅兩箇 草菓一箇

酸石榴皮半箇 青皮兩箇 甘草二寸

右為劉散作一劑水二椀生姜三片煎七分旋露
星宿次早空心服

苦散治脾受濕氣泄利不止米谷不化

黃連去鬚劉如豆 吳茱萸 白芍藥劉如豆各二兩

右為末每服二錢水一盞煎至七分溫服

駐車丸治冷熱下痢腸滑赤白如魚腦日夜无度腹

痛不可忍

黃連六兩 阿膠麩炒 當歸各三兩 乾姜炮二兩

右為末醋煮米糊為丸如梧子大米飲下五十丸

至一百丸

萬金丸治冷熱痢

罌粟殼一兩赤用蜜炙白了 橘皮 甘草並如上法

右為劉散每服四錢以百沸湯七分盞急用盞蓋
之候溫澄清者服血痢入烏梅一箇罌粟殼本草
不說治痢近用之極效其功不下地榆黃蘗秦皮但
性緊澁服之則嘔不可不知

固腸湯治腸虛下痢赤白頻併日久无度老幼產婦俱可服之

罌粟殼 三兩醋浸 炙稍黃

枳殼 麩炒 去穰

白芍藥 各二兩

橘紅 當歸

甘草 炙各一兩

訶子 煨去核

木香 煨 人參

白姜 炮各半兩

右為剉散每服四錢水一盞半煎七分去滓食前服

三聖丸治下痢赤白日夜无度及泄瀉注下

藜皮 大厚者去 麋皮切

大蒜 細切研

罌粟殼 去穰細切 各等分

右三物一處搗篩過麋者更搗同淹一宿次日慢

火炒香熟亦旋篩取細者餘更炒不爾則細者焦碾為末粟米飲糊丸如梧子大每服五十丸米湯下

斷下湯治下痢赤白无問久近長幼皆可服

罌粟殼 炙十四箇去穰

草菓 一箇不去皮炒

白朮 一錢

甘草 炙半錢

茯苓 一錢

右為剉散作一劑水一大椀姜七片棗七箇煎至一大盞分二服空腹或下純赤加黑豆二十七粒白則加炮乾姜一錢

厚腸湯治下痢赤白

罌粟殼八兩 剉炒 地榆六兩 白朮 紫蘇葉

木瓜乾各二兩

右為剉散每服四錢水盞半姜七片棗二箇煎七分去滓空腹服

水煮木香丸治腸胃虛弱風濕進襲洩瀉水谷滯下

膿血疔刺疼痛裏急後重日夜无度

當歸洗 芍藥 甘草炙 訶子去核各半兩

厚朴去鹿皮切姜製 青皮 陳皮各一兩

縮砂仁 木香炮各一分 罌粟殼切醋淹炒五兩

右為末蜜丸一兩作五丸每服一丸水一盞煎七分

分食前温服

料簡

凡血得熱則淖溢故鮮得寒則凝泣故瘀當審其風熱風冷二證與藥利大別外有血痔血枯內衄酒利肺疽腸胃蓄瘀遠近血等各有所類不可混雜古方云積冷積熱及水谷實而下利者並以大黃湯下之養生方亦云大則踈滌之更不知有寒熱風濕虛實之不同後人尋即妄用被害者多矣吁可傷哉

秘結證治

夫胃大小腸膀胱者倉廩之本管之居也名曰器能

化糟粕轉味入出者也人或傷於風寒暑濕熱盛發汗利小便走粘津液致腸胃燥澀秘塞不通皆外所因或臟氣不平陰陽閉格亦使人大便不通名曰臟結皆內所因或飲食燥熱而成熱中胃氣強澀大便堅秘小便頻數謂之脾約屬不內外因既澀三因亦當隨其所因而治之燥則潤之澀則滑之秘則通之約則緩之各有成法

神功丸治氣壅風盛大便秘澀後重疼痛煩悶此藥

當量虛實加減

大黃四兩 麩爛二兩 人參二兩 訶子皮四兩 麻仁二兩
蒸亦可

右為細末煉蜜丸梧子大每服二十九丸溫湯溫酒米飲皆可服食後臨卧服

麻子仁丸治肢陽脉浮而澀浮則胃氣強澀則小便秘浮澀相搏大便則堅其脾為約大便堅小便利而不澀

麻子仁五兩 芍藥 枳實麩炒各八兩 大黃蒸一

厚朴姜製炒 杏仁去皮尖炒別

右為末煉蜜丸如梧子大每服二十九丸溫水下未
知加五十九丸一法麻仁一兩半杏仁三分大黃一兩枳實芍藥厚朴各半兩此依局方出本是漢方

合用大黃枳實一斤正得今二兩厚朴當用四兩
杏仁當用六錢一字麻仁一兩二錢半芍藥一兩
乃均制合理用當以理推

半桃丸治年高風秘冷秘心腹一切痲痺冷氣暖元
臟止泄瀉進飲食

硫黃 研細 半夏 湯洗七次
焙乾為末

右等分以生姜汁同熬炊餅末攪勻杵數百下丸
如梧子大空心溫酒姜湯下三十丸

胃氣丸治虛人老人風秘不通不可服涼菜用此甚
效方見霍亂門

蜜丸法

蜜二合鹽少許煎如錫出冷水中捏如指大長三
寸許納下部立通

脫肛證治

肛門為肺下口主大腸肺臟實則熱熱則肛門閉塞
腑虛則大腸寒寒則肛門脫出又婦人產蓐用力過
多及小兒叫呼及久利後皆使肛門滯出

蠟皮散治肛門或因洞泄或因用力脫出不收

蠟皮 燒存性 磁石 半兩 煨碎 桂心 半兩

右為末飲方寸匕忌舉重及房室肘後治女人陰

脫加驚頭一枚燒灰研入

香荊散治肝門脫出大人小兒悉主之

香附子

荊芥穗 各等分

右為末每用三匙水一大椀煎十數沸淋

又方用五倍子為末每三錢水二椀煎減半入白礬一塊安小桶子內洗之立効

鐵粉散治脫肛歷年不愈

鐵粉研細每用少許搽之按令入即愈

又方用大賊不以多少燒存性

右為細末搽肛門上按之

水聖散子治小兒脫肛不収用浮萍草不以多少

右杵為細末有患用茶乾貼

又方用磨刀水洗亦効

淋閉論

淋古謂之癰名稱不同也癰者罷也淋者滴也今名雖俗於義為得古方皆云心腎氣鬱致小腸膀胱不利復有冷淋濕淋熱淋等屬外所因既言心腎氣鬱與夫驚憂恐思即內所因况飲啖冷熱房室勞逸及乘急忍溺多致此病豈非不內外因三因備明五淋通貫雖證狀不一皆可類推所謂得其要者一言而

終也

淋證治

諸淋大率有五曰冷曰熱曰膏曰血曰石五種不同皆以氣為本多因淫情交錯內外兼并清濁相干陰陽不順結在下焦遂為淋閉

生附散治冷淋小便澀數起不通竅中疼痛增寒凜凜多因飲水過度或為寒泣心虛志耗皆有此

證

附子去皮臍生用 滑石各半兩 瞿麥 木通各二三分 半夏湯洗七次三分
右為末每服二大錢水二盞姜七片燈心二十莖蜜半

匙煎七分空心服

石芻散治熱淋多因腎氣不足膀胱有熱水道不通淋瀝不宜出少起數臍腹急痛蓄作有時勞倦即發或尿如豆汁或便出沙石

木通 石芻去毛各二兩 甘草 當歸 王不留行各兩
滑石 白朮 瞿麥 芍藥 葵子各二兩

右為細末每服二錢煎小麥湯調下食前日三兼治大病餘熱不解後為淋者

地膚子湯治下焦有熱及諸淋閉不通

地膚子兩 知母 黃芩 猪苓去皮

瞿麥

枳實

升麻

通草

葵子

炒

海藻

洗去腥各二兩

右為劉散每服四錢水一盞半煎七分去滓空心服大便俱閉者加大黃女人房勞小便難大腸滿痛脉沉細者用猪腎半隻水二盞煎盞半去腎下藥煎七分服

鹿角霜丸

治膏淋多因憂思失志意舍不寧濁氣干

清小便淋閉或復黃赤白黯如脂膏狀疲劇筋力或傷寒濕多有此證

鹿角霜

白茯苓

秋石

各等分

右為末糊丸梧子大每服五十丸米湯下

葶草汁治膏淋及尿血

葶草

右搗汁二升醋二合和空腹服一盞又濃煮汁飲亦治淋瀝尿血

立效散治血淋多因下焦結熱小便黃赤淋閉疼痛

所出如血或外挾風冷風熱或內傷志勞神或房室過度卅右發動便鮮赤者為風熱傷心瘀血者為風冷傷腎及大小便俱出血者

瞿麥穗

一兩

甘草

各三分

山梔子

半兩炒

右同為末每五錢至七錢水一椀入連翹葱根七箇燈心五十莖生姜五片同煎至七分時時溫服不拘時候既云血寒則瘀此藥未必自治且煎木通湯下麝香鹿茸丸兔絲子丸等所以養生方云不可專以血得熱則滲溢為說於理甚明不復詳引鹿茸丸兔絲子丸方見後虛損門

石燕丸 治石淋多因憂鬱氣注下焦結所食鹹氣而成冷人小便砂痛不可忍出沙石而後小便通
石燕子 燒令通赤水中淬一兩 石韋子 去毛 兩次搗研水飛焙乾 滑石

右為末糊為丸如梧子大煎瞿麥燈心湯下十九食前服日二三甚即以石韋去毛瞿麥穗木通各四錢陳皮茯苓各二錢為末每服三錢以水一盞煎七分去滓服

瞶眩膏 治諸淋疼痛不可忍受及沙石淋

大羅首切一指厚四五片好白蜜淹少時安淨鐵鏟上慢火炙乾則又蘸蜜取盡二兩蜜番覆炙令香軟不可焦候溫細嚼以鹽湯一盞送下立效
沉香散 治氣淋多因五內鬱結氣不得舒陰滯於陽而致壅閉小腹脹痛使溺不通大便分洩小便方

利甲

沉香不焙 石菖去毛 滑石 王不留行炒各半兩

葵子炒 白芍藥各三分 甘草炙 橘皮各一分

右為細末每服二錢煎大麥飲調下飲調亦得食前

髮灰散治飲食恐小便或走馬及房勞皆致胞轉臍

下急滿不通

亂髮不拘多少燒為灰

右研細每用二錢米醋二合湯少許調服一法與

葵子等分為末飲服二錢服訖即炒黑豆葉存其

上則通

猪苓散治傷風感寒脉浮發熱渴欲飲水小便不利

猪苓去皮 茯苓 澤瀉 阿膠炒 滑石碎研各等分

右為劉散每服四大錢水一盞半煎七分去滓不

以時

五苓散治傷暑疽熱小便不利煎茅根湯調尤佳

傷暑門

料簡

方書中所出淋病證狀不一所謂諸淋亦不能備盡若隨其所因而命名如勞如驚如寒如濕如風如暑

以至暴淋等雖无定論皆不出三因之所致也當詳此推治无施不可又有轉胞以胞系了矣小便不通證狀自別不可不辨然治之亦當利其小便古方令服腎氣八味丸其中有茯苓故也

遺尿失禁證治

經云膀胱不利為癰不約為遺溺者乃心腎氣傳送失度之所為也故有小澀而遺者有失禁而不自知又婦人產後產理不順致傷膀胱遺尿无時又小兒胞冷尿狀亦着成人者治之各有方

家韭子丸治少長遺尿及男子虛劇陽氣衰敗小便

白濁夜夢洩精此藥補養元氣進美飲食

家韭子六兩 炒 鹿茸四兩 酥炙 茯苓酒浸 牛膝酒浸

熟地黄 當歸各二兩 巴戟去心 鬼絲子酒浸各一兩半

杜仲去皮剉製 炒絲斷 石斛去苗 桂心 乾姜炮各一兩

右為末酒糊為丸如梧子大每服五十丸加至百丸空心食前塩湯温酒下小兒遺尿者多因胞寒亦稟受陽氣不足故也別作一等小丸服

阿膠飲治小便遺失不禁

阿膠二兩 炒 牡蛎煨取粉 鹿茸切酥炙 各四兩

右為剉散每服四大錢水一盞煎七分空心服或

作細末飲調亦好

張真君茯苓丸治心腎氣虛神志不守小便淋瀝或不禁及遺洩白濁

赤茯苓

白茯苓

各等分

右為末以新汲水接洗澄去新沫控乾別取地黃汁同與好酒銀石器內熬成膏搜和為丸如彈子大空心鹽酒嚼下常服輕身延年

雞內金散治溺床失禁

雞腔脰

一具并腸淨洗燒為灰男用雌者女用雄者

右研細每服方寸匕酒飲調服

又方用羊肚系盛水令滿線縛兩頭熟煮取中水頓服

又方用猪胞洗淨鐵鏟上炙香熟嚼細温酒下
九虫論

古方論列臟腑中九虫雖未必皆有亦當備識其名狀若蛭虫則固不待言而知其它皆由臟虛雜食其冷肥膩節宣不時腐敗凝滯之所生也又有神志不舒精魄失守及五臟勞熱又病餘毒氣血積鬱而生或食果蔬與夫畜獸內臟遺留諸虫種類而生不可具載亦猶生痕殆非九數可盡姑列諸例為學者備

九蟲例

九蟲者一曰伏虫長肆分爲群虫之長二曰白虫長一寸相生至多其母長至肆伍丈則殺人三曰肉虫狀如爛杏令人煩滿四曰肺虫其狀如蚕令人咳五曰胃虫狀如蝦蟆令人吐逆嘔噦六曰弱虫狀如瓜瓣令人多唾七曰赤虫狀如生肉令人腸鳴八曰蟻虫至微細狀如菜虫居洞腸間多則爲痔漏癰疽諸瘡無所不爲九曰蛇虫長一尺貫心則殺人又有虫與人俱生狀如犬馬尾或如薄筋依脾而居長三寸許大害於人然多因臟虛寒勞熱而生治之各有

方

烏梅圓治蛇厥令病者靜而復煩藏氣蛇上入隔故煩須更復上得食而嘔又煩者蛇聞食臭出其人自吐蛇

烏梅壹百五十箇 當歸

川椒去目汗

細辛

附子

炮去皮臍

桂心 人參

黃蘗各三兩

乾姜炮五兩

黃連八兩

右爲末以苦酒漬烏梅壹宿去核蒸之五斗米下熟搗成泥和藥相得內臼中與蜜杵一二千下圓如梧子大食前飲服十圓稍加至二十圓

集效圓治因臟腑虛弱或多食甘肥致蛇虫動作心

腹絞痛發則腫聚往來上下痛有_レ休止腹中煩熱
口吐涎沫是蛇咬宜服此藥若積年不差服之亦
愈又治下部有虫生痔痔痒痛

木香 鶴虱 炒 檳榔 訶子 煨去核

蕪荑 炒研 附子 炮去皮臍 乾姜 炒各柴錢半 大黃 剉炒壹兩半

右為細末蜜圓如梧子大每服參拾圓食前橘皮湯下婦人醋湯下

化虫圓治寸白虫兼治諸虫

硫黃 壹兩 別研 木香 半兩 蜜陀僧 三分 附子 生用壹箇去皮臍為末

右先以附子末用好醋壹升熬成膏入三藥和圓

如菜豆大每服二十圓食前荆芥茶清放冷下虫即化為清水

檳榔散治諸虫在臟腑久不差

檳榔 壹兩

右為末每服壹錢至貳錢煎茶蜜湯調下空心食前服

咳嗽叙論

人之所以滋養其身者唯氣與血呼吸定息衛氣之常失常則為咳嗽津液流潤榮血之常失常則為痰涎咳嗽吐痰氣血已亂矣願世治嗽之藥極多而卒

不能遍效者蓋其致病之因不一世謂五嗽且以五臟而言之要之內因七情外合六淫飲食起居房勞叫呼皆能單復綺互而為病故經云五臟六腑感寒熱風濕皆令人咳又微寒微咳厲風所吹聲嘶發咳熱在上焦咳為肺痿秋傷濕冬咳嗽皆外所因喜則氣散怒則氣激憂則氣聚思則氣結悲則氣緊恐則氣劫驚則氣亂皆能發咳即內所因其如飲食生冷房勞作役致嗽尤多皆不外因其可一法而治之當推其三因隨脉證治療散之下去之溫之吐之以平為期

外因證治

傷風咳者增寒壯熱自汗惡風口乾煩燥傷寒咳者增寒發熱無汗惡寒煩燥不渴傷暑咳者煩熱引飲口燥或吐涎沫聲嘶咯血傷濕咳者骨節煩疼四肢重著洒洒淅淅並屬外所因診其脉浮為風緊為寒數為熱細為濕隨其部位與人迎相應推其臟腑則見病源也

內因咳嗽證

喜傷心者咳而喉中介介如腫狀甚則咽腫喉痺名為心咳不已則小腸受之小腸咳狀與氣俱失怒傷

肝者咳而兩脇下痛甚則不可不轉轉則兩脇下痛
名爲肝咳不已則膽受之膽咳之狀咳嘔膽汁思傷
脾者咳而右脇下痛陰陰引肩背甚則不可以動名
爲脾咳不已則胃受之胃咳之狀咳而嘔嘔則長虫
出憂傷肺者咳而喘息有聲甚則唾血名爲肺咳不
已則大腸受之太腸咳狀咳而遺尿恐傷腎者咳而
腰背相引痛甚則咳涎名爲腎咳不已則膀胱受之
膀胱咳狀咳而遺溺久咳不已則三焦受之三焦咳
狀咳而腹滿不欲食此等皆聚於胃關於肺肺取脰
俞最近故內因多先有所感世人並名肺咳嗽也並

屬內所因診其脉隨其部位與氣口相應浮緊則虛
寒沉數則實熱弦濇則少血洪滑則多痰以此類推
無施不可

不內外因咳嗽

病者咳嗽發作寒熱引腰背痛或復喘滿此因房勞
傷腎病者中滿腹脹捨心痛不欲食此因飢飽傷脾
病者咳嗽左脇偏疼引小腹并膝腕疼此因疲極傷
肝病者咳嗽吐白涎口燥聲嘶此因叫呼傷肺病者
咳嗽煩熱自汗咽乾咯血此因勞神傷心並屬不內
外因診其脉隨其類假如尺脉浮濇而數則知傷腎

右關脉濡則知飲食傷脾左關脉弦短則知疲極傷
肝但不應入迎氣口者即是不內外因皆可類推

咳嗽治法

華蓋散治肺虛或感風寒暑濕及勞逸抑鬱憂思喜

怒飲食飢飽致臟氣不平咳唾膿血漸成肺痿憎

寒發熱羸瘦困頓皮膚甲錯將成勞瘵

甜葶藶 半兩 苦葶藶 半兩並用 紙隔炒 茯苓 人參

細辛 乾薑 炮 桔梗 劉炒 杏仁 去皮尖 麩炒

紫苑 欬冬花 甘草 炙 陳皮 各壹

右為細末用羊肺壹个心血不透者切細研爛旋

旋入藥摻肺內再研勻藥盡為度泥土墻上以濕
紙染重蓋覆每日去紙壹重染日藥就候乾刮下
再研羅為細末每服貳錢温酒湯調下米飲亦得
空心日貳服

五味子湯治秋冬之交皮膚為寒濕所薄寒氣內折

咳嗽晝夜不已

陳橘皮 貳兩 麻黃 去節 甘草 炙 杏仁 去皮尖 麩炒

五味子 白茯苓 各壹 兩

右為末每服貳錢水壹盞煎柒分去滓帶熱服食
後臨卧日三服

白木湯治五臟傷濕咳嗽痰涎憎寒發熱止氣喘急

白木二兩 五味子各一兩 茯苓各一兩 甘草一分

半夏四個洗去滑破作十六片

右為剉散分作十六服水一盞半姜五片入半夏

一片煎七分空腹服

丁香烏梅丸治隔氣壅蔽外感風寒咳嗽痰涎白沫

胃背痛不能俛仰口乾咽燥

烏梅肉四兩 紫蘇 木瓜各二兩 茯苓二兩

甘草三錢 檀香半兩 人參七錢 麝香一字

石為末用蜜一斤蠟二兩為丸如櫻桃大含化不

以時

人參散治咳嗽肺虛不能制下太腸泄瀉上氣喘咳

服熱藥不效

人參 款冬花 罌粟殼等分醋炙

右為剉散每服四太錢水一盞半阿膠一片烏梅

半箇同煎七分去滓腫正著時急喚省服

太白丹治肺感寒發熱咳嗽无度

通明白礬枯 成煉鍾乳 寒水石煨水飛過各等分

右研勻炊餅糊丸如雞頭大每服一丸先嚼生薑

胡桃各一片令細吸太陽氣和藥嚥仍用茶清或

温酒送下

阿膠散治一切咳嗽虛人老人皆可服

阿膠 麩炒 馬兜鈴 各一兩 五靈脂 研 桑白皮 各半兩

甘草 炙一分

右為末每服一錢水一盞煎六分通口食後夜卧服

平氣飲治一切咳嗽吐痰涎惡風不能食

人參 白朮 川芎 當歸 五味子

甘草 炙一分 木瓜乾 紫蘇子 炒 伏神 烏茶 去木

杏仁 去皮尖 桂心 白芷 各等分

右為末每服二錢水一盞姜三片棗一箇煎七分

温服

杏仁煎治暴吹失聲不語

杏仁 去皮尖 研三兩 桑白皮 生姜 取汁 蜜 砂糖 各一兩半

木通 貝母 各一兩 紫苑茸 五味子 各一兩

右將桑白皮木通貝母紫苑五味子為剉散以水

三升慢火熬取一升裂去滓入杏仁糖蜜姜汁微

火熬成膏旋含化

蛤蚧散治元氣虛寒上氣咳嗽久年不差

蛤蚧 一對 炙 成煉鍾乳 款冬花 肉桂

白礬 雅適 別研 甘草 炙各半兩

右為末每服半錢用蘆管吸之或覺咽乾即用米飲調下空心食前

款冬花散 治傷風冷嗽諸未效者

款冬花 不拘多少

右一味為鹿末爐上燒以酒漏蓋吸嚥煙覺咽乾口燥以茶清送下

白散子 治久年咳嗽不愈者

附子 一枚煨熟新水浸一時久去皮脂焙乾

右為末每服一錢白砂蜜二錢水一盞煎七分通口服

青金丹 治肺虛壅咳嗽喘滿咯痰血

杏仁 去皮尖 一兩 牡蛎 煨取粉入杏仁同炒 青黛 一兩

右研勻入黃蠟一兩鎔搜和丸如彈子大歷匾如餅每用中白柿一箇去核入藥在內濕紙裹煨約藥鎔方取出去火毒細嚼糯米飲送下一方名甲乙餅治咳出血片兼涎內有血條不問年久月深但聲在下一服效用青黛一分牡蛎粉二錢七杏仁七粒去皮尖研蠟丸了湯使並同煎

僧伽應夢人參散 治風壅痰嗽咯血及傷寒體熱頭痛方見疫病門

神效散治老少喘嗽神效

杏仁去皮尖炒 甘草炙 旋覆花各二兩 白朮

蓮肉去心皮 射乾米泔浸 前胡 御米畧炒

百合水浸去沫 白扁豆畧炒 川芎各三兩 人參

白茯苓各四兩 神麴炒五兩 桑白皮炙 乾葛各六兩

桔梗七兩

右為細末每服二錢水一盞姜三片棗一箇煎七分食前溫服

三因極一病證方論卷之十二終

